







M 2  
L E T T R E <sup>60</sup>

ENVOYEE

A L A

R E Y N E  
D E S V E D E.

Pour la diuertir de prendre les armes  
contre les Parisiens.

*Par un bon & veritable François.*



A P A R I S,

Chez CHARLES CHENAULT, Au bout du Pont S.  
Michel, à l'entrée de la rue de la Huchette.

---

M. D C. X L I X.

*Avec Permission.*

LETTRE

ENVOYÉE

À LA

REINE

DE SUÈDE.

Pour la liberté de prendre les armes  
contre les Parisiens.

Par le sieur de la Fayette.

1793

À PARIS.

Chez CHARLES CUVILLIER, Au bout du Pont St.  
Michel, à l'angle de la rue de la Harpe.

M. D. C. XLIX.

chez l'Imprimeur.





*LETTRE A LA REINE DE SVEDE  
pour la diuertir de prendre les armes  
contre les Parisiens.*

Escrite par vn bon & veritable François.



ADAME,

Je sçay bien qu'estant Fille du Grand  
GVSTAVE, vous auez herité de la grandeur  
de son courage aussi bien que de ses Royaumes, & ie  
veux croire de plus, que Vostre Maïesté a fait reui-  
ure en elle toute la generosité de celles de son sexe,  
& toute la valeur des Amazones. Vos exploits en  
sont des marques parlantes, & ie ne connoy point de  
Panegyriste qui en puisse tant dire qu'une seule de vos  
conquestes: Mais il faut, s'il vous plaist, que Vostre  
Majesté se souuienne que toutes les actions qui s'ex-

A ij

curent par la force des armes, & par la multitude des soldats ne sont pas tousiours accompagnées de la iustice, & qu'il y à eu des conquerans qui ont souuent passé pour des coisaires. S'il est vray comme dit vn ancien que les Roys soient l'ouurage de Dieu, on peut asseurer que la loy & que le Magistrat sont les ouurages des derniers, & qu'ainsi la iustice est l'effect de la Loy, & la felicité le fruit de la iustice. Je croy que Vostre Maiesté n'appreuera pas moins que moy cette Sentence d'un bel Esprit, *Que Thetis est tousiours au costé droit de Iupiter; & quant à moy i'adjoute à cette pensée, Que c'est elle qui porte ses foudres.* Cette iustice, Madame, est du costé de ceux contre qui l'on dit que vous armez: si cela est, il est à croire que V. M. est mal informée de nos desseins qui ne tendent qu'à maintenir l'autorité de nôtre Prince, dont vn particulier pour en abuser plus facilement, se couure pour ainsi dire de sa pourpre Royale: C'est vous dire tout en deux mots, & trancher d'un seul coup le nœud gordien qui ne pourroit estre denoüé que de cette sorte. Oüy, Madame, Dieu qui lit dans nos cœurs en est tesmoin; c'est là que butte l'armement de toutes les Prouinces, qui ne peuuent plus souffrir l'insolente tyrannie d'un estranger; c'est là que butte les Arrests des Parlemens; c'est là que buttent tous ces grands Princes, qui comme des Anges tutelaires ont volé icy à nostre secours:

il



il faut auoüer que par vne espece d'enchantement inconceuable nostre Reyne Regente a esté circonuenüe par les pernicious conseils de ce mesme estranger, qui croiant auoir esté outragé medite des vangeances horribles contre la pauvre France. Il me semble qu'il deuroit estre satisfait de ce costé-là, il a appellé des barbares ou plustost des Demons pour estre les Ministres de ses meschans desseins, qui ont commis des cruautés inouïes cõtre des innocens, les vols ont été les moindres crimes qui ont suivi les violences & les sacrileges. Cela est indigne du rang qu'il tient dás l'Eglise, & c'est contre des crimes de cette nature. que le Vatican a accoustumé de lancer ses foudres. Il me souuient d'une belle pensée que sans doute ne desplaira pas à Vostre Maiesté, elle vient de fort bon lieu, c'est de Theodose second, qui interroge par les confidens pourquoy il ne faisoit point mourir de mort aucun de ceux qui luy auoient fait quelque iniure. *Pleust à Dieu, dit il, que ie peusse ressusciter les morts.* Cette sentence Royale deuroit estre écrite en lettre d'or dans les cabinets de tous les Monarques, & certes ie pourrois dire en cette conioncture ce que dit autrefois vn bon Hermite à vn Empereur irrité contre les habitans d'Antioche qui auoient renuersé la statuë de la femme Placilla, *Qu'il n'est pas iuste de perdre & de desfaire tant d'images vivantes de Dieu pour vne statuë de bron-*

ze. La fureur de ce peuple auoir esté excitée par la surcharge des impots, & l'action de cet Empereur est vne tache à la memoire qui ne pourra iamais estre effacée. Mais certes ce seroit peu de cette hôte qui leur demeure dedans l'histoire, s'il ne falloit point rendre vn compte exact au Souuerain des Souuerains qui passe dans la metme balance les actions des Princes & des vassaux. Toutefois, Madame, ie me trompe, les defauts des Grands sont d'une autre consequence, & partant leurs crimes sont pecez avec d'autres poids que les crimes de leurs subiets. Mais ie ne pretens pas de passer icy pour Predicateur, n'en ayant ny le caractere ny la mission: c'est assez que ie vous dise mes sentimens avec simplicité, & de la sorte qu'on le doit faire dans vne lettre. Ie me persuade donc Madame, que vostre Maiesté est pleinement instruite du dessein des Parisiens, & des autres Prouinces qui se sont declarées avec les parlemens. Cependant ie ne laisseray pas de le dire encore vne fois que les princes, que les Generaux d'armées, que les parlemens, & que les peuples ne travaillent que pour conseruer, & maintenir la grandeur de nostre Monarque; de faire vne paix generale qui est souhaitée il y a si longtems de toute l'Europe, & de deliurer la France du ioug d'un Estranger. Ie pense que cette intention est cõforme aux loix diuines & humaines, & partât que le Ciel combatra pour nous en cet-



rencontre, & qu'il n'y à point de Roys sur la terre qui n'ait droit de nous secourir en cette conioncture. Sans doute qu'on a fait accroire tout le contraire à vostre Maiesté, s'il est vray que vous ayez offert du secours à ceux que nous pouuons à present nommer nos ennemis. Graces à Dieu toutes choses ont pris vne autre face que celle qu'ils ont voulu leur donner, & nous pouuons asseurer que le Ciel en cette occasion à fait plus d'un miracle pour la Ville de paris. Il est tres-certain Madame, que le temps auquel nous sommes, ou l'Eglise ieune, ou elle prend la cendre & le cilice, ou elle porte le dueil à la mort d'un Dieu incarné pour nous; il est tres-certain, dis ie, que nos ennemis deuroient conceuoir des penſées bien différentes de celles dont nous ne ressentons que de funestes effects : il faut esperer que Dieu nous regardera avec vn œil de bonté & de misericorde, c'est ce que nous luy demandons en toute humilité, & pour moy ie supplie vostre Maiesté de faire quelque peu de reflexion sur ce que i'ay pris la liberté deluy écrire poussé par le zele que i'ay pour ma patrie, & par la qualité que ie prens de

MADAME,

*Vostre tres-humble, & tres obeïssant  
seruiteur. D. P.*

MADAME





